

Rapport annual URGC 2024

Anfignen tar la radunanza generala igl mars erans persvadias tgi chest onn dattigl bleras occurrenza ed acziuns an la publicitad. Durant las sedutas era la motivaziun gronda dad eir cun las ideas digl palpieri aint igls pass dalla realisaziun. Ma ossa fegn digl onn vainsa da deir: Nous vagn cunzont passanto bler taimp per l'uniun agl telefon e chegl betg cugls resultats giavischias.

Lagn antschever da davant. Dalla RG ò igl noss cassier Flavio Guetg, tg'ò igls davos quatter onns fatg ena grondiosa labour d'administraziun, dò sia disdetga per fegn 2024.

Pi anavant va ia, Simona Demarmels, cun grond plascheir savia midar igl mies angaschi privat per igl noss lungatg, an en mastier, cun en pledimaint tar la Lia Rumantscha. Chegl fò grond plascheir e la motivaziun resta la madema scu tar l'uniun: dar ena vusch a noss lungatg.

Igls quatter onns tar l'URGC sustignan la mia tgapientscha per las sfeidas digl rumantsch. Ma esser promotoura regiunala e co-presidenta da l'URGC pò causar conflicts d'interess uscheia tgi er ia disdei igl mies mandat per december, 2024.

Displaschevlamaintg ègl betg anc gartagea da cattar dus persungas per nossa successiun.

Uscheia tgi Flavio, scu er ia, sustignagn l'administraziun e la tschertga da successour:as anfignen tgi Gierina Michael turna da premaveira da sies bagn mirito viadi anturn igl mond. Chegl è pigl mument igl punct principal per la suprastanza. Uscheia vo igl menaschi ed igls projects er cun ena reducziun da persunal anavant.

Lagn pero er vurdar sen tgossas tg'èn gartagedas. Antschet cun las cartas per igl schintgetg digls unfants novs naschias, noua tgi collaboragn gio treis onns cun la Lia ed igls cumegnalls dallas dus regiuns. Chest onn ò er gia li la fegn d'emda ad Alvaschagn sot igl tetel ARTicular. Igl è nia creio en spazi per barats per artist:as rumantsch:as. Tge gronda labour tgi chegl era. Igl è finalmaintg en`antschatta per en lungatg d'art rumantsch, tgi era anfignen ossa inexistent.

Pi anavant ischans angraztgevels, tgi l'uniun digls Grischs ò organiso lour Poetry-Slam ainten la nossa regiun, pi exact a Barvogn.

Durant igl curs da stad a Savognin, vainsa alloura fatg ena acziun da reclama tar las persungas tgi on interess d'emprender igl noss lungatg. Cun figls sgulonts e l'ediziun actuala da la "Revista digl Sulom". Chegl è en project tgi lagn er mantigneir anavant.

Nous vagn er gia diversas saseidas durant igl onn, noua tgi vagn decidia tge projects tgi lagn sustigneir. Igls suandonts projects sotsilvans e surmirans vainsa sustignia finanzialmaintg: codesch "Ruschun Grimantsch e Misurana", applicaziun istorgias rumantschas, Codesch Gion

Tgavrer, igl giantar e transport per igl de da project “inscunter dalla scola Donat e Scharans” e la reclama pigl concert dad Incantanti e la cuminanza Culturala Val Schons”.

Persungas vignan e von, tge fò chegl cun l’uniun? Chegl saro la dumonda tg`ans accompogna igl 2025.

Co-presidium: Simona Demarmels e Gierina Michael

Ulteriours supstants: Mathias Kunfermann, Flavio Guetg, Rico Michael